

San Nicola, San Nicola

San Nicola di Rivela prutitturi,
ti prigàmu e ti facemu un cantu,
aiuta 'sti figli nostri pi favuri,
si lu patruuni, si lu nostru Santu.

San Nicola, San Nicola
prutitturi di li nicareddi,
chiddi ca vannu a la scola
'ngenui, 'nuccenti e beddi.

A l'addevi cci cadinu li dintuzzi
e l'ammuccianu nnì li buchiceddi;
mentri dorminu 'mpaci 'st'addivuzzi
San Nicola ci metti li surdiceddi.

San Nicola, cu atri nun ti cunfunnu,
miraculi facisti e 'nì fa ancòra;
fa nasciri la paci nnì 'stu munnu,
fa amari a tutti, cummencili ora!

Di la mala strata nnì livasti tanti,
dasti li to beni, risparmi e sudura,
aiuta ancora 'sti mindicanti,
dacci 'na via, chidda sicura.

Tutti cu prighiera e divuzioni,
a lu cozzu di Mastru Giuanni
rispettano usanzi e tradizioni
e ti fannu la festa tutti l'anni.

'Mprucissioni, tutti 'nfilera
anchi cu lu friddu ca si gela
gridàmu 'ncoru e cu prighiera
viva San Nicola, patruuni di Rivela.

2009 Giuseppe Cardella